

Declaracion Comuna de las Presidentas e Presidents Conselh Plenari 2018

La Ministra dels Afars Estrangièrs del Principat d'Andòrra, en tant que Presidenta de l'Organisme Andorran de Cooperacion Transfrontalièra e las Presidentas e Presidents de las Regions Occitània e Nòva Aquitània e las Comunitats Autònomas d'Euskadi, Navarra, Catalonha e Aragon, aquesta darrièra en exercici de la presidéncia del Consòrci de la Comunitat de Treball dels Pirenèus (CTP), amassats en Conselh Plenari lo 13 de novembre de 2018 a Saragossa, adòptan la seguenta declaracion comuna:

1. Actualament, l'Union Europèa afronta un moment clau marcat per las negociacions a prepaus de l'acòrd de retirada del Reialme Unit, a prepaus del quadre Financière Pluriannual e la politica de coesion pòst 2020 que determinaràn particularament lo devenir de la Cooperacion Territoriala Europèa. Nos trapam a las pòrtas d'una granda tòca: las eleccions al Parlament Europèu qu'auràn luòc en mai de 2019. Finalament, los debats sus las escomesas coma las questions pausadas per la migracion, l'economia circulara o l'atenuacion e adptacion al cambiament climatic son significatius e intenses. Dins aqueste contèxte, volèm reafirmar l'ambicion de la Comunitat de Treball dels Pirenèus coma veritable espaci de cooperacion interregionala e coma instrument **participatiu e responsable per çò del bastiment de l'Union Europèa.**

Los projèctes transfrontalièrs promòvon l'ideal europèu e contituisson un investiment pel futur d'Euròpa, per çò qu'ajudan a recuperar e regenerar la confisança e l'entusiasme entre l'Union Europèa e sos ciutadans. Per aiçò, la CTP deu èsser apiejada, entre d'autres, pels utises financiers de la politica de coesion europèa. Dins lo quadre de la politica regionala dels darrièrs ans, òm a estimulat la cooperacion transfrontalièra per mejan dels programas INTERREG, e reclamam que l'UE contunhe de refortir la dicha cooperacion. En soma, cal facilitar lo creissement economic de las regions frontalièras per çò qu'aquò contribuís a l'obtencion dels objectius de coesion economica, sociala e territoriala d'Euròpa.

2. Pels representants dels membres de la CTP, la cooperacion transfrontalièra e los projèctes que i dona luòc se devon plaçar dins una vision estrategica comuna.

L'"Estrategia Pirenenca" adoptada per la CTP en aqueste XXXVI Conselh Plenari a vocacion de respondre als problèmas mai importants, coma l'accès per tots los servicis publics, l'atenuacion e adaptacion al cambiament climatic, lo desenvolupament economic dins lo territòri pireneic.

Aquesta Estrategia es una etapa importanta que va servir de quadre de planificacion pel periòde 2018-2024, va permetre al Consòrci respondre mai eficaçament a las escomesas en relacion a l'acompliment dels objectius comuns. Donc, las prioritats per la zòna transfrontalièra se van concentrar a l'entorn d'enjòcs claus coma l'adaptacion al cambiament climatic, la proteccion de l'entorn e la

biodiversitat, lo sosten a l'investigacion e l'innovacion, la dinamizacion economica dels territòris, la creacion d'emplec de qualitat, la formacion e l'inclusion sociala o l'encoratjament de las politicas de sosten al patrimòni natural e cultural entre d'autres.

L'Estrategia Pirenenca preten fin finala servir en mai, coma referéncia pel dessenh del programa INTERREG Espanha-França-Andòrra 2021-2027. Dins aqueste contèxte, las Presidentas e Presidents de la CTP se felicitan d'aver atengut un consènsus per una Estrategia Pirenenca que s'identifica amb las orientacions fondatrises de la CTP.

Dempuèi d'aqueste Conselh Plenari, las Presidentas e Presidents de la CTP s'engatjan a promòure los airals d'accion de l'Estrategia Pirenenca, per far avant en la definicion de las siás accions operativas. L'Estrategia Pirenenca se va metre en plaça coma un Plan d'Accion viu, dinamic, susceptible de revision e rajustaments, e que s'estructurarà a l'entorn de tres aisses estrategics:

- **Proteccion ambiental e adaptacion al cambiament climatic.**

- **Promocion d'iniciativas e atractivitat del territòri.**

- **Mobilitat, connectivitat e accessibilitat.**

E un ais transversal, **Governança, capitalizacion e comunicacion**, que vòl refortir lo ròtle de la CTP coma grop d'influéncia dins lo contèxte europèu e promòure la siá accion coma referent permanent de cooperacion territoriala.

3. Amb l'exercici de la siá mission al servici d'un projècte europèu ambiciós, la CTP a vocacion de jogar un ròtle màger dins lo quadre del dialòg que los Estats membres e las institucions europèas an començat a prepaus del futur de la politica de coesion pòst 2020. Dins aqueste sens la CTP, cèrca a contribuir a la configuracion dels futurs programas e a la mantenença d'un quadre favorable per la cooperacion transfrontalièra. Amb aquela fin, s'es **presentada la "Declaracion Politica de la Comunitat de Trabalh dels Pirenèus", coma resposta a las proposicions de la Comission Europèa sobre lo propdan Quadre Financière Pluriannal (MFP) e la politica de coesion pel periòde 2021-2027.**

Demest las observacions a realizar a las proposicions sus la politica de Coesion pòst 2020, la CTP sotalinha l'importància de la Cooperacion Territoriala Europèa (CTE), e planh la reduccion budgetària anonciada per las Politicas de Coesion e Agricòla Comuna. Los signataris plaidejan per manténer assignacions financièras significativas per la cooperacion territoriala en general, e transfrontalièra en particular. Fin finala, s'opausa fermament al cambiament de metòde de calcul de las dotacions dels programas de cooperacion territoriala europèa prepausat per la Comission Europèa. La mesa en plaça d'aqueste novèl metòde entraïnariá una diminucion significativa de la dotacion per la seguenta programacion e un fòrt desavantatge en comparason amb d'autres zònas transfrontalièras europèas d'una mai granda densitat de poblacion.

La CTP sotalinha lo grèu problèma que pausa lo despoblament dins qualques zònas de los Pirenèus, ont òm trapa densitats de fins 4 h/km², ont lo desequilibri e lo despoblament las caracterizan fàcia a d'autres territòris.

4. La CTP, en causa del sieu encastre de cobertura geografica e a lo sieu ròtle d'Autoritat de Gestion del Programa europèu Interreg Espanha-França-Andòrra dempuèi 2007, constituís un interlocutor clau per la concepcion, l'elaboracion e l'aviada de la politica de cooperacion transfrontalièra dins lo territòri Pirenenc. Dins aqueste sens, las Presidentas e Presidents dels membres de la CTP mòstran la siá satisfaccion per l'eficacitat de dich programa transfrontalièr que se tradusís en 120 projèctes

programats que representan un total de 142 milions d'èuros de FEDER destinats als actors del nostre territori.

5. D'un altre costat, las Presidentas e Presidents de la CTP acuelhon amb satisfaccion l'avis de prospectiva del Comitè Europèu de las Regions, adoptat lo 5 de julhet de 2018, *La governança climatica après 2020 dempuèi una perspectiva europèa e globala: una contribucion a la COP24 de la CMNUCC* que sotalinha que *“los objectius d'una Union de l'Energia resilient amb una politica climatica ambiciosa pòdon s'aténher melhor per mejan d'una accion coordinada dins los nivèls de l'Union, nacionala, regionala e locala, e mejançant la promocion de l'investigacion, de las activitats de sensibilizacion e de solucions e sistèmas de porgiment d'energia eficientas a escala locala.”* Aquò es de besonh per que los membres de la CTP fagan avant en l'obtencion dels Objectius de Desvolopament Duradís (ODD) de las Nacions Unidas.

Los 17 d'Objectius de Desvolopament Duradís (ODD) e las 169 visadas de l'Agenda 2030 de Nacions Unidas devon marcar un camin cap al desvolopament duradís e l'adaptacion al cambiament climatic. Per aiçò, la CTP contribuís a aquesta escomesa globala per mejan del *Rapòrt transpirenenc sus efèctes del cambiament climatic en los Pirenèus, vulnerabilitats e adaptacion* realizada dins lo quadre del projècte OPCC2 e cofinançat pel Fons Europèu de Desvolopament Regional, FEDER, per mejan del POCTEFA 2014-2020 e per las ajudas 2016-2019 de la Fondacion Biodiversitat estacada al Ministèri per la Transicion Ecologica d'Espanha.

Convencuts del besonh d'aquesta sòrta d'iniciativas de cooperacion fàcia a las problematicas ambientalas, las Presidentas e Presidents de la CTP, per mejan de la signatura d'aquesta declaracion, s'engatjan a manténer e ampliar las accions de l'Observatòri Pirenenc del Cambiament Climatic.

6. Fin finala, las Presidentas e Presidents, amb la signatura d'aquesta Declaracion, reafirman la siá voluntat unanima de contunhar de trabalhar amassa dins lo quadre de la cooperacion territoriala que nos va permetre de contribuir a l'Euròpa del futur, pel desvolopament e la mesa en òbra de las politicas transfrontalièras dins lo nostre territòri europèu.

**En representacion del
Organisme Andorran
de Cooperacion transfrontalièra**
Dòna Maria Ubach Font

Maria Ubach

**En representacion del
Conselh Regional de Nòva-Aquitània**
Sénher Mathieu Bergé

Mathieu Bergé

**En representacion del
Govèrn d'Aragon**
Sénher Francisco Javier Lambán
Montañés

Francisco Javier Lambán

**En representacion de la
Generalitat de Catalonha**
Dòna Natàlia Mas Guix

Natàlia Mas Guix

**En representacion del
Govèrn Basc**
Dòna Maria Angeles Elorza Zubiria

Maria Angeles Elorza Zubiria

**En representacion del
Conselh Regional de la Region
Occitània**
Dòna Pascale Péraldi

Pascale Péraldi

**En representacion del
Govèrn de Navarra**
Dòna Ana Ollo Hualde

Ana Ollo Hualde